

### Ayat Aktif dan Ayat Pasif

1. Kedua-dua ayat ini berlainan bentuk stuktur perkataannya tetapi mempunyai maksud sama.
2. Ayat aktif ialah ayat yang menekankan **objek**. Dalam ayat aktif, 'pelaku' terletak di hadapan (sebagai subjek ayat) manakala 'benda yang kena buat' terletak di belakang (sebagai predikat ayat)
3. Ayat aktif ialah ayat yang kata kerja **berawalan** 'meN' , 'men...kan' dan 'men...!'. Contohnya:
  - (a) Ali sedang memancing ikan. (*Ali ialah pelaku di depan dan ikan ialah benda kena buat*)
4. Ayat pasif menerangkan **benda** atau **orang yang dikenakan perbuatan ke atasnya**. Maksudnya, dalam ayat pasif, 'benda yang kena buat' terletak di hadapan (sebagai subjek ayat) manakala 'pelaku' terletak di belakang (sebagai predikat). Bentuk ayat pasif ialah:
  - (a) **tidak berawalan** men- dan didahului **kata ganti diri pertama dan kata ganti diri kedua**.  
Contohnya:
    - i. Bola itu saya tendang.
    - ii. Borang itu perlu anda isi.
  - (b) **berawalan** di- dan diikuti kata sendi **oleh** serta **kata ganti diri ketiga**.  
Contohnya:
    - i. Baju itu dibasuh oleh kakak.
    - ii. Meja besar itu ditolak oleh mereka.
5. Ayat pasif terdiri daripada:
  - (a) **ayat pasif diri pertama**, iaitu ayat yang kata kerjanya tidak berawalan men- dan didahului kata ganti diri pertama seperti aku, kami, kita, saya, dan sebagainya.
  - (b) **ayat pasif diri kedua**, iaitu ayat yang kata kerjanya tidak berawalan men- dan didahului kata ganti diri kedua seperti awak, anda, kamu, engkau, dan sebagainya.
  - (c) **ayat pasif diri ketiga**, iaitu ayat yang kata kerjanya berawalan **di-**, diikuti kata sendi **oleh** serta kata ganti diri ketiga seperti ia, dia, beliau, baginda, dan sebagainya.
4. Kedua-dua ayat aktif dan pasif membawa **maksud yang sama** walaupun **bentuknya berbeza**.  
Contohnya:

Ayat Aktif	Ayat Pasif Diri Pertama
(a) Saya mencuci kasut sekolah.	(a) Kasut sekolah saya cuci.
(b) Kita menerima keputusan itu.	(b) Keputusan itu kita terima.
(c) Aku akan memetik bunga itu.	(c) Bunga itu akan aku petik.
(d) Kami sudah menyusun jadual itu.	(d) Jadual itu sudah kami susun.

Ayat Aktif	Ayat Pasif Diri Kedua
(a) Anda harus menyiapkan kerja itu.	(a) Kerja itu harus anda siapkan.
(b) Awak mesti menyerahkan surat itu.	(b) Surat itu mesti awak serahkan.
(c) Engkau patut memulangkan duitnya.	(c) Duitnya patut engkau pulangkan.
(d) Kamu perlu memperbaiki kereta itu.	(d) Kereta itu perlu kamu baiki.

Ayat Aktif	Ayat Pasif Diri Ketiga
(a) Mereka mengecat bangunan.	(a) Bangunan dicat oleh mereka.
(b) Baginda meminta rakyat supaya bersabar.	(b) Rakyat diminta oleh baginda supaya bersabar.
(c) Beliau mengarahkan orang ramai supaya beratur.	(c) Orang ramai diarahkan oleh beliau supaya beratur.
(d) Dia sedang menjahit baju.	(d) Baju sedang dijahit olehnya.